



UNIVERSITÄTS-  
BIBLIOTHEK  
PADERBORN

# **Claudii Fleurii Abbatis Historia Ecclesiastica**

Ab Anno 633. Usque Ad Annum 726

**Fleury, Claude**

**August. Vind. [u.a.], 1760**

**VD18 90117840**

§. 49. Sessio III.

---

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII Primo lectus est Libellus, quem Sergius  
 A. C. 649. Archiepiscopus ex Cypro Theodoro Pa-  
 pæ anno 643. obtulerat, tum querelæ  
 ad eundem Papam anno 646. ab Episco-  
 pis Africæ delatæ. Hæc omnia Actis in-  
 ferta, dixitque S. Martinus Papa: *Satis*  
*Accusationum contra reos habemus, tem-*  
*pus enim deficeret, si querelas omnes,*  
*quas Catholici ad nos detulerunt, in lu-*  
*cem producere vellemus. Jam scripta*  
*illorum, qui accusati fuere, canonice ex-*  
*aminanda sunt, quod in Sessioe sequen-*  
*te facturi sumus. Ita clausa est Sessio*  
 secunda.

## §. XLIX.

*Sessio tertia.*

Sessio tertia post dies novem decimo  
 septimo ejusdem mensis habita. Pa-  
 17. Octobr. pa profatus dixit reorum libros esse exa-  
 minandos, & Sergius Episcopus Tempu-  
 lensis petiit, ut initium duceretur a li-  
 162. bris Theodori olim Episcopi Pharanitæ,  
 quod novæ Hæresis primus Auctor se-  
 163. cundum Stephani Doriensis Libellum,  
 & omnium notitiam esset. Ergo liber  
 Theodori profertur, lectique Textus an-  
 notati & ex Græco in Latinum translati.  
 Primo recitatus est textus ex Epistola ad  
 Sergium Episcopum Arsinoitam in Æ-  
 gypto, ubi dicebat: Igitur quæcunque  
 a Domino dicta vel facta referuntur, di-  
 xit,



xit, fecitque intellectu & sensibus; hinc <sup>Sæculum VII</sup> omnia operatio aliqua Verbi, Intellectus, A. C. 649.  
 sensuum & corporis organizati vocari debent. Et infra: *Cum consilio sapientissimo & vere Divino se, quando voluit, somno, labori, fami, siti subjecerit, jure meritissimo quietem, vel motum, qui in his functionibus reperitur, omnipotenti & sapientissimæ Operationi Verbi tribuimus, & dicimus, Jesum Christum, quia unus est, unam tantum habere Operationem.*

Alii quoque Textus tres ex eodem libro, quem ad diluenda argumenta ex Auctoritate Patrum assumpta concinnaverat, lecti sunt. Ubique eandem Doctrinam afferebat de unica Operatione, cujus principium erat Verbum Divinum, & Humanitas solummodo instrumentum. <sup>p.166.</sup>  
 Inter alia dicebat: *Non est ea virtus in anima nostra, ut a se & corpore suo proprietates naturales corporis removere possit; imo nec istud est animæ in corpus suum dominium, ut illud ab iis, quæ ex natura sua inbærent, qualia sunt, soliditas, color, aut esse fluidum, liberare valeat; hæc tamen omnia de Divino corpore Jesu Christi leguntur, nam egressus est e sinu Matris sine divisione, tanquam carens massa, & ut ita dicam, incorporeus. Simili modo egressus est e sepul-*



Sæculum VII *sepulchro, per portas clausas penetravit,*  
A. C. 649. *& super mare ambulavit.*

p. 170.

His textibus recitatis Papa errores notavit, & præcipue ultimum, qui Incarnationem reddit commentitiam, si nempe credatur, JESU Christo non fuisse Corpus solidum, qualia nostra sunt. Error iste etiam destruit miraculum; quis enim prodigium proclamet, si, quod corpus solidum non fuit, per corpora penetravit, aut super aquas ambulavit?

p. 171.

postea Papa Theodori erroribus opposuit Auctoritatem Patrum, quorum verba adduxit, scilicet S. Cyrilli, S. Gregorii Nazianzeni, S. Dionysii, S. Basilii, & Concilii Calcedonensis.

§. L.

*Operatio Theandrica.*

p. 174.

*Sup. Lib.*  
*XXXVII.*

§. 41.

p. 179.

Benedictus Episcopus Ajaciensis in Corfica petiit, ut legerentur novem Articuli Cyri Alexandrini, & præ aliis septimus, deinde Epistola, qua Sergius Constantinopolitanus eos approbavit. Lectus est igitur septimus Cyri Articulus, in quo anathematizatur, quicumque in JESU Christo non confitetur unam Operationem Theandricam, tum Epistola Constantinopolitana etiam lecta. Sergius Episcopus Tempulensis petiit, ut legeretur Textus S. Dionysii Episcopi Atheniensis a Cyro allegatus. Ille Textus

tus